



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1845

LXXXII. Markgraf Woldemar vereignet dem Stifte vier Winfpel
Getreidehebung aus Schadstädt, Grieben und Buchholz zum Altar des h.
Stephan, am 25. Juni 1314.

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

principatum, et propter cultum ibidem divinum per amplius augmentandum construendum duximus et proprietatis titulo dotandum sub forma inferius annotata, De censu in Medestorpe, qui ad ecclesiam nostram pertinet, amministratori et fervitori predicti altaris pro successu temporum famulanti debent singulis annis Triginta solidi denariorum in festo beati Martini absque quolibet prorogamine erogari. Etiam de villa Woldenriode quinq̄ue Chori avene in festo sancti Martini predicti amputata difficultate qualibet debent annuatim prefato amministratori reddituuliter apportari. Nichilominus cum dominum Hermannum Thuringum divini potentis nutu et per carnis debitum a rebus humanis eximi contigerit, Tunc deinceps quatuor Chori dari frumenti, que predictus dominus Hermannus, sicut se coram nobis strictius obligavit, duxerit comparandos, eidem altari ascribentur, singulis annis quemadmodum de aliis premittitur perfolvendi. Collatio vero sepe dicti altaris ad capitulum jure patronatus perpetuo pertinebit. Sacerdos etiam vel quicumque clericus, cui prelibatum altare collatum fuerit, decano manualem prestabit obedienciam singula facturus, que secundum consuetudinem Ecclesie nostre alii nostri sacerdotes seu vicarii facere per requisicionem prescripte obediencie astringuntur. Prememoratus nichilominus ministrator sacerdos omni die missam dicet in tempore et hora, qua dominus decanus vel senior de capitulo per jussionem suam hoc decreverit faciendum. Insuper si quid obvencionis cottidiane de oblacionibus eidem altari fuerit apportatum, hoc plebano nostro a ministro altaris debet integraliter presentari. In cujus dotacionis evidentem et perpetuam memoriam, Ne gestum hoc salubriter oblivione matre dampnosa erroris nigrius obfuscetur, sigillum nostri capituli tenori presentium muniendo duximus apponendum, Datum Stendal, anno incarnationis domini Millesimo Tricesimo Duodecimo, In die Galli et Lulli confessorum.

LXXXII. Markgraf Woldemar vereignet dem Stifte vier Wispel Getreidehebung aus Schadsädt, Grieben und Buchholz zum Altar des h. Stephan, am 25. Juni 1314.

Nouerint vniversi, quibus presens scriptum exhiberi continget, Quod Nos Woldemarus, dei gratia Brandenburgensis, Lufacie et de Landesberge marchio, dedimus et per presens scriptum donamus proprietatem quatuor chororum Altari Beati Stephani, structo in Ecclesia sancti nicolay Stendalensi, quos choros cum proprietate prudens vir dominus hermannus dictus Thuringus eiusdem Altaris Rector ere proprio comparavit. Horum chororum duo dari siti sunt in Villa Scharstede, dandi de Curia Heinrichi Oden, In Griben vnus chorus, quem prepositus exsolvet ibidem et vnum Talentum in Villa Buckholt. Huius Talenti medietatem solvet Lambertus dictus de sine et Heinrichus de dornsted ibidem V. solidos et Theodericus de Infel V. solid. exsolvet. Renunciantes predictis choris et talento in perpetuum*) ac eorundem proprietati et possessioni, nec non omni iuri et actioni simpliciter, quoad nos et heredes nostros, nec non quoslibet alios successores, mittentes ipsum dominum Hermannum nomine altaris sui predicti corporaliter in possessionem pacificam premissorum literas per presentes. In quorum omnium euidens et singulare testimonium nostrum Sigillum huic litere de nostra certa scientia est appensum valiturum in secula seculorum. Testes huius sunt Nicolaus de buk, Gherardus de kerkow milites, Heinrichus Decanus Ecclesie Stendalensis, Segerus prepositus

*) Orig.: impropetuum.

ibidem necnon Slotheko nostre prothonotarius Curie, cum aliis pluribus fide dignis. Datum Sandov, per manum Hermanni de Luchove nostri Clerici. Anno Domini M^o. CCC^o. XIII^o In Crafino beati Johannis baptiste.

LXXXIII. Der Dechant Heinrich vergleicht Uneinigkeiten zwischen den Domherrn und den Vicariis zu Stendal, am 30. Septbr. 1314.

Henricus, dei gratia Stendaliensis Ecclesie decanus —. Quia canonici Ecclesie nostre Stendaliensis super quadam dissensione, ex errore quodam probabili Suborta inter eos ex vna et omnes vicarios Ejusdem Ecclesie parte ex altera, in nos tamquam in arbitrum vna cum predictis vicariis compromissum libere inierunt, penam Stipulationis sentencie nostre arbitrande nostro arbitrio relinquentes, Nos igitur hujusmodi arbitrii onus in nos suscipientes, Visis, auditis, intellectis nichilominus et examinatis vtrarumque partium positionibus et juribus, deliberatione habita diligenti, pro bono pacis et concordie et vigore compromissi ordinamus, arbitramur, diffinimus, dicimus atque precipimus, Quod predicti canonici prenomatis vicariis in festo walburgis XXV solidos et in festo beati martini totidem annis singulis erogabunt, prescriptorum vero denariorum quinque Solidi a Scolastico nostro et talentum a cellerario, qui pro tempore fuerint, restabunt prelibatis terminis absque prorogamine quolibet expendenda. Modus autem distributionis sepe dictorum denariorum erit, vt solum debent illis, qui venerint ad memorias illorum fidelium, quorum deuotione prescripti denarii estimantur legati, per distributiones diuidi personales, hunc quidem aduentum Sic ducentes specificandum, vt qui post epistolam ad missam et post tertiam lectionem ad vigilias venerint, a perceptione sue portionis Sint penitus alieni, Sed hec porcio vicariorum sequestro applicabitur pro vtilitate camere in reparationibus et aliis communibus vsibus referuanda. Preterea adicimus, vt sepe dicti canonici dictis vicariis mero fauore et liberalitate ad reformationem camere sue dabunt quinque talenta non redditualiter sed in summa et pecunia numerata. Hec quidem sentencionando pronunciamus saluo nobis arbitrio et potestate declarandi, Interpretando corrigendi super predictis et quolibet predictorum, vbicumque et quando visum fuerit expedire, Si contra sententiam arbitrationis hanc fuerit aliquomodo attemptatum. Facta est hec arbitratio in presentia omnium canonicorum et vicariorum emologantium et approbantium per singula sententiam per nos arbitratam per plenam consensus ratihabitionem misso contradictionis obstaculo interiecto —. — Datum Stendal, anno domini M^o. CCC^o. XIII^o. In crafino Michahelis Archangeli.

LXXXIV. Ritter Heinrich von Rochow legt dem Pfarrer Johann Crul zu Nyendorf und dem Rämmerer Johann Crul zu Stendal Hebungen aus der sogenannten Rochowschen Hufe zu Nyendorf bei, i. J. 1314.

Universis Cristi fidelibus, presentia visuris seu auditoris Henricus miles, dictus de Rochowe, salutem in domino sempiternam. Recognoscimus tenore presentium publice protestantes, Quod honorabilibus viris domino Johanni Crul plebano in Nyendorp ac patrueli suo Johanni Crul camerario, Canonico in Stendal, alterum dimidium Chorum auene et quatuor modios tritici in villa